

ցին զւարտամուրհակսն առ Դատաւորն , և նա արձանագրէրէր զթիւ գումարաց և 'ի վերջոյ պահանջէր 'ի Հայոց զ10,000 դահեկանս իբր տասանորդ . ապա յաւելեալ 'ի վերայ նորա զայլ և այլ պահանջս՝ եհաս գումարն 18,000 , յաւելին եւ միւս այլազգիք 'ի վերայ նորա 18,000 եւս , եղև գումարն 36,000 , որոյ վասն ետուն Արհրդականք փոխանակագիր հատուցանել 'ի Կոստանդինուպօլիս , և եթէ յետս դարձցի , եղիցի գումարն 70,000 , և այլազգիք 'ի վաճառ հանեալ զկալուածս Հայոց առցեն զբրամս իւրեանց : Յետ այնորիկ ժողովեալ այլազգեաց 'ի դատարան՝ ընթերցան զգիր ազգականաց իւրեանց եւ հռչակեցին 'ի քաղաքին թէ՛ Նզիրա եպիսկոպոս Հայոց , որ վնասակար էր քաղաքին եւ վանաց , անկեալ է 'ի փոխանորդութենէ . զայս լուեալ Նզիրայի տիրեցաւ յոյժ յոյժ , և գրեաց բազում անգամ առ Պատրիարքն և առ ազգապետս զհրաժարումն իւր 'ի պաշտօնէ , յորս յառաջ բերեալ զծոռապանս եւ զնեղութիւնս իւր , իբր պաշտպան Աթոռոյն , և կուսակիցք Գարրիէլի՛ կործանիչք , և ապա մեղադիր լինի , թէ այսքան դրութեանցս և ոչ միոյ պատասխանի արժանի եղէ՝ այլ անկումն իմ լուայ յայլազգեաց ոմանց , որ կողոպտիչ են Աթոռոյն , և այլ սոցին նման երկար բանք . և 'ի վերջոյ աղաչէ չտարագրել զինքն յԱթոռոյ , այլ հեռացեալ յամենայն գործոց իբրեւ զմի 'ի միաբանաց կացցէ աղօթաւոր 'ի սենեկի իւրում : Ապա Մկրտիչ և Կարապետ եպիսկոպոսունք թերեւս 'ի սաղրելոյ բանից Նզիրայի , որպէս երեւի , ժողովեալ զմիաբանս վանաց հրաժարեցան և նոքա 'ի գործոց , և այնպէս գրեցին 'ի Կոստանդինուպօլիս թախանձելով զնոսա՝ ընտրել զայլ 'ի տեղի իւրեանց , և կամ տէր լինիլ վանաց և բառնալ զծանրութիւն նորին , բաւական համարելով զվիշտս և զնախատինս զոր կրեցին 'ի սէր Ս . Աթոռոյն և ազգին , և թէ՛ յետս դարձուցանէք զփոխանակագիրն ասեն՝ ցուցէք զտեղի դրամոց , և այլ այսպիսի բանք լցեալ 'ի նամականիս նոցա , ('ի 25 Օգոստոսի) :

Իսկ 'ի Կոստանդինուպօլիս Պատրիարքունք և Ազգապետք ոչ կարացին առ ժամն պատասխանի առնել նամակաց նոցին , զի զբաղեալ էին ամենեքեան վասն բարեկարգութեան Աթոռոյն և ազատութեան 'ի պարտուց , և 'ի